

Das Erste Buch

Schwisst das Wassen blut/ so stirbt der Verwundte/ ist es aber nicht gefährlich/ so bleibt das Pulver trucken drauff/ wie du es auffgesträwet hast.

Wiltu sehen/ ob einer gesund sey zu machen/ an einer Wunden/ oder gesund möge werden.

So nimb Glett 8. Loh/ Galmenstein 1. Loth/ Mastix olybani, Myrrhen/ ana anderthalb q. Essig/ vnd Baumöl ana einer Eyserschäl vol/ vnd seud es vntereinander/ vnd mache ein Pflaster drauff/ vnd leg es auff den Schaden einen Tag/ des andern Tages soltu das Pflaster besehen/ ist es vnten weiß/ so wirdt der Krancke genesen/ ist es aber in der ersten Farbe/ so siehets im zweiffel/ daß er geneset.

Ein anders.

Nim den Safft von klein Meuschöhrlein/ oder heidnisch Wundkraut/ gib ihme denselben zu trincken/ bricht er ihn oben wieder von sich/ so stirbt er/ behelt er ihn aber bey sich/ so verwindet ers.

Oder nim Kautensafft/ stecke ihn in die Nasen/ niest er davon/ so kömpt er wider auff/ wo nicht/ so stirbt er.

Einem ein Glied ohne Schmerzen abzunehmen.

Wasche dich mit Schierling/ oder Wüterichsafft/ wo du wilt/ wirstu hernachmals mit einem Messer drein schneiden/ so schmerzt dichs nicht/ welchs ein groß wunder/ vnd im fall der Noht ein nützlich Ding ist. Fallop. lib. 1.

Homo vivens & prope cadaver hominis occisi transiens, etiam non sentiendo illud, adhuc terrore concutitur. Maleus Malef. part. 5. quæst. 2.

Ein